



MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais a Mina Mader madertrans@bluewin.ch
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Hatecke, furnaria Clalüna, Grotta da Cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel mas-chalch vegnan ramassats da Mina Mader. Scha pussibel giavüschaina texts in fuorma digitala.

ARRANDSCHAMAINTS

Societats chi vöglan publichar arrandschamaints han seguaintas pussibilitats:

- a) Mas-chalch da Sent : tenor infuormaziuns sülla prüma pagina
- b) Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- c) Chalender d'arrandschamaints da la destinaziun turistica:
www.engadin.com => "Allegra das Veranstaltungsmagazin" => Veranstaltungen erfassen opür
<https://www.engadin.com/de/planen-buchen/allegra-veranstaltungsmagazin>
Quellas occurrenzhas vegnan publichadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publichar lur occurrenzhas ed infuormaziuns illas chaistas nairas pon manar avis in fuormat A4 pro Mina Mader adüna il marcurdi. Ils avis vegnan plazzats adüna la gövgia illas chaistas nairas.

SOCIETÀ D'ÜTIL PUBLIC – concerts illa baselgia da Sent - <https://sent-concerts.ch/konzerte>
Ingüna reservaziun da plazzas - la chascha es averta ün'ura avant il concert.

Musica da las Andas – Musica da las Alps

Dumengia, als 24 mai 2026, a las 17:00, CHF 25

Ün viadi musical, chi collia il cling da las Alps grischunas ed il ritem da las Andas. Causa numerus emigrants da l'Europa ill'America Latina, esa gnü a contacts e barats musicals. I s'han svilupadas novas variantas da stil, sco p.ex. Vals e Tango.
Vera Schocher e Riet Buchli – guitarra

The Nearness of Dreams

Dumengia, als 28 gün 2026, a las 17:00, CHF 25

Jazzpiano-Trio-Tradition cun Adrian Frey, Patrick Sommer e Tony Renold.

GROTTA DA CULTURA – infuormaziuns detagliadas i'l Allegra e suot <http://www.grottadacultura.ch>

Galleria e bar-café / Galerie und Bar-Café
mardi e sonda / Dienstag und Samstag
Nus ans allegrain da Lur visita!

17:00 -19:00

Exposiziun

Purtrets, collaschas ed ogets da Tina Planta-Vital.

Tina Planta-Vital, artista autodidacta, es uriunda da Sent e viva a Fuldera in Val Müstair. Sias lavuors sun multifarias. Quai as muossa impustüt illas collaschas. Pelplü sun integrats differents materials: palperis, chartun, lain, metal o stoffa. Robas da tuot gener, chattadas illa natüra o in seis contuorns. Eir ils ogets - pitschens o eir plü gronds - sun fats our da tals materials. Entrada libra. Fin als 4 avuost 2026

Concert cul Diversion String Quartet

A quists giuvnots nu's poja metter in ün chaschuot!

Sonda, 23-05-2026, 20.15, Grotta da cultura, Piertan. CHF 20.00 / 25.00

Las cumbinaziuns multifarias da differents stils da musica ed eir l'experimentar cun culurs da clings giovan la rolla principala illa lavur creativa dal Diversion String Quartet.

Jazz o Rock, Minimal Music o Funk, a quists giuvnots nu's poja metter in ün chaschuot! Cun avertezza musicala e cun spontanità surpudenta surpassan ils quatter musicists cun scolaziun classica ils cunfins dals clings üsitats da strichaders.

Gabriel Miranda *gïa*, **Robin de Stefani** *gïa*, **Cyrril Geter** *viola*, **Matous Mikolàsek** *cello*

<https://www.diversionstringquartet.ch>

Matinée: Poesias da Tina Planta

I'l rom da si'exposiziun prelegia Tina Planta-Vital poesias.

Dumengia ils 31 mai, a las 11.00. Grotta da cultura Sent, Schigliana. Collecta.

Tina Planta-Vital, poesias rumantschas, per part cun traducziuns – impustüt our da seis quart cudesch „tocker l'orizont“.

Pella prüma jada lascha l'autura tour part a la cumbinaziun da sias duos paschiuns: las poesias e la lavur artistica. Pleds e culuors as chattan, s-chaffischan relaziuns.

Kathak - sot da l'India

Kathak, sot da l'India. Ün'explosiun da ritems.

Sonda, 20-06-2026, 20.15 Grotta da cultura Sent, Piertan, CHF 20.00 / 25.00 / uffants 10.00

I'l Kathak, il sot da l'India dal Nord, nun es il ritem be accumpognamaint, dimpersè la basa da tuot il sot. El collia musica, movimaint, expressiun e raquint ad üna fuorma d'art viva, precisa e suvent improvisada.

I'l Kathak tradiziunal es üna comunicaziun tanter ballarin e'l musicist da "tabla" i'l center.

Illa colliaziun da Kathak cun percussiun dal vest nascha ün exaimpel interessant per üna fusiun culturala.

Il ritem precis dals pass dal Kathak s'inscuntran culs clings multifaris dad instrumaints da percussiun dal vest. L'improvisziun, üna basa cumünaivla da tuottas duos culturas, pussibiltescha "discuors" spontans musicals sül palc. Kathak Live es ün evenimaint intensiv per ögls, uraglias e sentimaint!

Mischa Weiss ün batterist giuven talentà da Sent.

Pandit Rajendra Gangani deriva d'üna dinastia veglia da ballarins e musicists chi cultivan quist'art daspö generaziuns. <https://rajendragangani.in/>

Swati Sinha es scolara da Guru Rajendra Gangani. Ella cumbina lavur precisa culs peis cun movimaints da gronda expressiun e bellezza.

Deodatt Persaud es eir scolar da Rajendra Gangani. El viva a Göttingen ingio ch'el ha fundà üna scoula. El instruischa ed es in gir in tuot l'Europa per producziuns da Kathak.

CORPORAZIUN EVANGELICA SENT

Cults divins

DUMENGIA, 24 MAI, TSCHINQUAISMA

Cult divin cun Soncha Tschaina

10.00, tudais-ch/rumantsch, rav. Hans-Peter Mathes

Orgel: Leta Mosca e Marcel Stecher

DUMENGIA, 31 MAI

Eucharistiefeier, **röm.-kath.**

19.00, deutsch/rumantsch, Pfr. Chr. Willa

Orgel: Peder Vital

DUMENGIA, 7 GÜN

Cult divin

10.45, rumantsch, Seraina Guler, predichanta laica

Orgel: Urs Wittwer

DUMENGIA, 21 GÜN

Cult divin

10.45, rumantsch, Seraina Guler, predichanta laica

Cun battaisem da Nelio Schmidt

Orgel: Urs Wittwer

DUMENGIA, 28 GÜN

Eucharistiefeier, **röm.-kath.**

19.00, deutsch/rumantsch, Pfr. Chr. Willa

Orgel: Peder Vital

Adressa: Corporaziun evangelica Sent

Barbla Buchli, Avant Baselgia 75, 7554 Sent, telefon 081 864 02 78, barbla.buchli@bluewin.ch, sent-reformiert.ch

Da dar a fit – Zu vermieten

Abitaziun da 3 stanzas aint la chasa Sala 120 a Sent.

Na fümaders, ingünas bes-chas, sainza piazza da parcar.

Infuormaziuns plü detagliadas da jent:

Elisabeth Sarott

Sala 120, Sent

076 506 26 80